

四庫全書

子部

欽定四庫全書

子部

六藝之一錄卷二百八

詳校官中書臣陸湘

貢外郎<sub>臣</sub>牛稔文覆勘

總校官檢討臣何思鈞

校對官編修臣沈清藻

謄錄監生臣朱上林

欽定四庫全書

六藝之一錄卷一百八

錢塘倪濤撰

石刻文字八十四

宋王象之輿地碑目記

夔州碑記

漢鹽鐵盆記 在平山縣黃大史石刻云余弟嗣直來攝邑事堂下有大鹽盆有款鐵蓋漢時物也其末曰

永平二年

晉桓溫隸字碑 在巫山有黃太史跋嘉定癸未漕使  
王觀之併黃太史跋俱徙置漕廨王漕又作跋語考  
其為晉周撫墓碑今不存今此碑亦不存

唐夔州刺史廳壁記 長慶二年五月一日刺史中山  
劉禹錫撰今見存

夔州始興寺移鐵像記 劉禹錫撰

夔州都督府記 唐會昌五年刺史李貽孫文繆師禹  
書載歐公集古錄今在漕臺

鑠水記 碑字但紀官名有都押衙金吾大將軍白元

曜等字

神女廟詩 集古錄唐李吉甫詩一首以貞元十四年  
刻丘元素一首無刻石年月李貽孫二首會昌五年  
刻敬騫一首元和五年刻沈幼真書其他杳無書人  
名氏在巫山

關城白帝廟碑 其一元和元年其一長興二年其一  
廣政元年

巫山詩碑 唐金吾衛兵曹參軍沈真撰元和五年建

重修大仙廟記 唐寧缺將軍掌書記司空薰撰同光

四年建

杜少陵詩石刻 少陵遊蜀凡八稔而在夔獨三年平

生所賦詩凡四百六十篇而在夔者乃三百六十有

一治平中知州賈昌言刻十二石于北園歲久字漫

建中靖國元年運判王遽新為十碑今碑在漕司

移城記 景德四年丁謂撰

八陣圖銘 舊經云有圖銘石刻在磧中今不復見蘇  
子由詩云中原竟不到置陣狹無所

甃井記 陳剛記云夔惟節度府漕臺西廳有井紹興  
二年井大壞景公領使事發地二百尺而及泉以枺  
木甃之

夔州圖經 故相國安陽公乾曜嘗參軍事修圖經言  
風俗甚脩見劉禹錫集

舊圖經 李國緯編 固陵集 費士幾編

新夔州志 馬導編

開州碑記

盛州宿雲亭記石 在州西北三里唐元和十三年刺史韋處厚書溫造撰記

盛山十二題詩 唐韋處厚撰韓文詩序云韋侯所為十二詩其詩意以入溪谷土岩谷追逐雲月不足日為詩讀而詠歌之令人欲棄百事往與之遊和詩元稹許康佐白居易李景儉嚴武溫造於是盛山十二詩



與其和詩廣行於時

唐開州刺史新宅記 權德輿撰

盛山集 商有序 圖經 李宗諤編

施州碑記

招撫蠻人盟誓碑 九域志云在邊上近西高州界首

知保順州田承恩誓狀 天聖五年刻石在尖木寨

蠻人納貢物碑 在儀門下天聖五年丁卯立

皇宋獎諭碑 轉運使王立奏蠻人上京進奉在路多

有攬擾今後只就施州納下貢物支與例物三年一度于元定數內十人量差三兩人上京買賣天聖五年五月一日勅

蠻人承恩等誓柱文 皇祐五年歲次癸巳立略曰皇明如日所照不偏睿愛若天無遠不覆溪洞蠻人輸忠事國刻石設盟謹當固草芥之命以奉本朝無復肆犬羊之狂以觸憲網所有歸順蠻貢納結牢重誓款狀鐫之用傳不朽他誓文皆不經惟此可讀故錄

之

蠻人田思忠等受降碑文 碑在寧邊寨南五里受降  
立誓元豐六年立碑長四尺濶一尺

蠻人廖萬崇等柱文碑 在寧邊寨南五里元豐六年  
立誓刻石界首

達州碑記

漢車騎將軍馮緄碑 達州志載在永睦縣之西八十  
里緄薨于桓帝之永康元年其文瞭然可讀其父渙

亦有兩碑斷裂不全僅存大概

漢廣漢屬國侯李翊墓銘及屬國侯夫人墓銘 翊以  
靈帝熹平二年卒夫人不著姓氏疑其為臧氏首尾  
亦不刊缺

書字崖碑 在巴渠縣西十里多斷缺不成文理其間  
有晉昌太守字按晉孝武方立晉昌郡則此必東晉  
以後人碑耳

唐處士墓碑 在州城北十五里楊斗塢馬鼻山下乃

唐景龍二年刻字畫遒勁如歐柳可愛

元稹若畬三陽神文元和志缺年作在通州之華陽

觀

廣福院修佛殿記 在永睦之廣福院即唐福田寺有  
會昌三年王欽訖修佛殿記

瀘潭鐫佛記 唐通川縣東富教里岸側石上乃唐人  
所鐫傍有中和造像之姓名百餘字餘多漫滅不可  
讀瀘潭又有龍洞

節婦碑 初節婦趙氏嫠居有克人欲犯節婦脅以白刃節婦不為動既而誘以百端終不可遂刺殺之時皇祐二年知州薛俅茂其節為之立碑于達州之西北山上後邑令薛仲侃為荊祠繪節婦于中

黃山谷贈通州令韓廣叔文 韓廣叔赴通州日黃庭堅以言贈之曰惟勤能辦公家事惟清能律奸貪吏嚴而信則吏不病民簡而敏則民多在野

珍州碑記闕

忠州碑記

丁房雙闕 在臨江縣 王廟有丁房二闕對峙廟廷  
高可二丈上為層觀飛簷表裏四旁多刻車馬人物  
左闕上為雙扉其一扉微啟有美人出半面而立皆  
極巧妙其刻漫滅有漢丁房等字跡尚可以認也

屈原碑 見九域志

江原君石闕 在州西十五里今遷于郡岸有延熹二  
年等十七字

嚴孝子碑 在城西十二里今遷于郡儀門碑字漫滅  
有延熹二年七十八十字

五大夫碑 在梁山軍界上字尤漫滅然字乃漢隸  
修道碑 字亦漫滅有建初二年等十二字

嚴顏碑 東坡嚴顏碑詩注云在忠州詩曰先主反劉  
璋兵意頗不義孔明古豪杰何以為此事劉璋固庸  
主誰為死不二嚴子獨何賢談笑傲碓几國亡君已  
執嗟子死誰為何人刻山石使我空涕淚



玉虛觀有唐碑四 皆修建觀字碑

洞真觀唐明皇夢天帝降碑 在本觀

禹廟唐碑 今字畫磨滅

豐都景德觀唐碑十 段丞相修觀記段少監修齋記  
天尊石像記老君石像記感應碑張大理詩杜光庭  
石函記李吉甫真人影堂記二真君碑二仙公碑

唐平都二仙公碑 景雲二年李虔之撰

唐平都山二仙君銘 景雲二年薛湜撰

玉石碑 即景德觀三真人碑唐貞元中李吉甫修碑  
刻見存碑石瑩潤號玉石碑

唐平都山真人影堂記 平都堂碑惟此三碑尤佳皆  
李吉甫修撰又白玉石碑

唐土洲耆老思舊記 貞元十七年段文昌記

唐刺史房公式善狀碑 在唐土洲上普寧院中今在  
郡庠

唐豐都三官堂碑 唐中和元年忠州刺史陳旉撰

唐杜光庭碑 在平都山

唐率更柘漿帖 唐率更柘漿帖真跡藏于臨江農民瞿氏聖深購得之命男宗摹于忠之議道堂紹聖四年七月二十四日題後有涪翁跋

王右軍半月橘帖 在州庠有涪翁題跋

商比干銅盤銘 唐人開元間於偃師間掘地所得商比干銅盤銘有十六字字畫奇狀而古甚釋文云右缺左泉後岡前道萬世之銘茲焉是寶得銘之地後

五步乃比干墓今碑銘復刻于平都山

南賓志 楚漢炳序

荔枝圖序 白文公文

涪州碑記

涪陵太守碑闕 其上書云漢涪陵太守龐肱闕龐公者即龐士元之子也劉後主時嘗為涪陵太守淳熙中賢良任子宣過涪陵于小民家見漢隸隱然遂載以歸碑在左綿任賢良家至今猶存此事得之夔路

缺  
幹馮田馮乃任之甥

唐千福院水泉記 光啟中太守張濬

李文定公神道碑 在報恩光孝禪寺張方平撰

普淨院記 在涪陵江北普淨院治平間校書郎傅耆  
記

誓虎碑 在許雄山下廣漢縣令神道俗傳為誓虎碑  
近碑仆虎入城縣官設祭復立之虎遂止

古書山碑 去樂溫縣四十里按山上石刻云唐大厯

間有人修此山路于石穴中得科斗書數軸古書之號因此而得

山谷碑 在涪陵尉廨廳

涪陵紀書錄 紀伊川和靖諸賢語錄

花蕊夫人詩序 熙寧五年呂安國奉詔定蜀民所獻書可入三館者得花蕊夫人詩乃出於花蕊手而辭甚奇與王建宮辭無異建自唐至今誦者不絕口而此獨遺棄不見取甚為可惜也臣謹繕寫入三館而

歸口誦數篇于丞相安石明日與中書語及之而王  
珪馮京願傳其本于是盛行于時花蕊者為蜀孟昶  
侍人事在國史臣安國題

涪陵志 楊興序

新志 鄭鑑序

重慶府碑記

漢故益州刺史碑 在本府

巴郡太守張訥頌德碑 漢中平五年立事見合州志

今碑在府學中

白君冢碑 在巴縣文字缺落

禹廟碑銘 巴志云江州縣治塗山有禹王廟及塗后祠有碑銘

豐年碑 在江岸謂之義熙碑每水落而碑出則年豐人爭摹打數十年不一見

蜀廣政十五碑 在東陽鎮市中心

周濂溪跋彭應求詩序碑 在溫泉寺

圖經 李宗諤編



黔州碑記

漢故孝廉柳莊敏碑 在州廨內字跡銷訛

唐黔南節度使趙國珍德政碑 上元二年立在州南隔江

重建州衙碑 在州治

廣德元年碑 寰宇記云開寶四年黔南上言江心有石魚見上有古記云廣德元年二月大江水退石魚見部民相傳豐稔之兆

能神道碑 歐陽公集古錄云長慶二年

魯直留題 魯直謫居有涪翁晚策杖至此觀江漲  
雨餘天欲涼十五字墨跡在州之嘉禾堂此外如綠  
陰堂丹泉萬卷堂皆魯直舊所書墨跡

萬州碑記

報恩寺漢碑 圖經蜀中漢刻少今萬州報恩寺有碑  
高五尺乃漢桓帝延熹間所刻石凡百餘字土人謂  
之宜子碑

絕塵龕石刻 絕塵龕三字在西山石壁字體清勁類

晉宋間人書

寶像記 練岩有莊修隋朝寶像記

岑先生銘 嚴挺之撰開元二年立又有段文昌銘貞元三年四月十五日鐫

岑公洞記 在缺 縣元和八年段文昌記

魯直留題 在岑公洞下岑岩寺

聖業院碑 碑在蘇溪大江之濱三生石旁蘚封可見者咸通三年壬子歲十月建如是者止十餘字耳

大雲寺碑 寺有唐僧圓滿傳及中和間萬州守李裁

書

冉仁才碑 見沿革門南浦州下

萬州廟碑 乾德乙丑白廷誨為刺史重修之距今二百三十餘年碑雖存而漫滅不可讀

白刺史題名記 開寶二年九月白廷誨題名記上云刺史白廷誨今本州萬利院有碑仆草莽中比因考閱得之字皆漫滅獨白刺史名猶在

靈顯王碑 皇朝累加封昭毅武惠靈顯王有遺愛碑  
碣列于廟

南浦志 趙善贛所編 新志 王子申序

思州碑記

縉紳馮先生作夏總幹墓誌略曰恭南夏子明為太  
學名諸生老不售自少時識思州田祐恭政和某年  
田氏被召赴京師謂子明曰我邊臣今北闕見天子  
懼禮之率略坐不恭公屈相我行如何子明度田氏

意不可解免謂曰吾老不任行有子大均習詩禮明  
識時務年方二十餘俾從公宜任輔公入覲事田氏  
大喜以子明之子大均行至國門有旨朝大慶殿拜  
伏進退不類遠人太上皇異之問其故祐恭對曰臣  
生邊遠不知禮節臣之客夏大均書生也實教以朝  
覲之禮上大悅厚錫田氏錫大均保州文學大均字  
正卿拜命還久之參夔路選授奉節簿建炎初蜀人  
張上行帥夔門劇賊王闢郭守忠破歸州入巫山將

拔瞿塘關徑入蜀帥命正卿調田氏兵曰正卿厚田氏比至田氏宜即就道事急矣可日夜兼行以濟吾事正卿發田氏兵不一月至巫山摧賊鋒還走保歸州再戰賊大敗收歸州乘勝逐北至房州竹山當是時峽外大賊以十數連百餘萬荆楚赤地數千里至是以人為食莫不妄意蜀郡富饒人人垂涎誓突入瞿唐關快其所欲自田氏破王闢郭守忠夔路軍聲大振自是羣賊始不敢有意于蜀矣

梁山軍碑記

涼山呂保藏漢篆 涼山保有呂保藏在絕崖半腹有一穴人跡所不到漢末赤眉之亂有呂保藏資巨萬賫金緣木而上鑿崖以居盡伐崖下木寇不能近後舉家終焉紹熙中有樵夫得一券于崖側非銅非鐵其聲鏗然上有古篆云西漢之末赤眉邂逅黃金千兩坑埋而走羔豚十祭其財自阜今藏所猶存焉浮蘭碑 通川志記梁山軍忠州兩界舊有漢刻石著



白虎夷王姓名今其上刻漢時官屬及白虎夷王及時民等姓名尚有可考但字多磨滅

梁山驛唐碑 題云令長新戒之記乃明皇御製梁山令尹茂先得此誠于萬州守河東裴公而刻之乃大中十年也嘉定丁卯郡守李錫移其碑于軍治其詞云我求長令保乂下民民之不安必有所因侵漁浸廣賦役不均使之離散莫保其身徵諸善理寄爾良臣與之革故政在維新調風變俗背偽歸真教化為

先惠卹于貧無小無大以躬以親青旌勸農孰不攸  
遵曷云被之我澤如春

舊梁山驛碑 驛在軍之東四十里者舊相傳李唐時  
有白虎蛟龍為民害民至遷居以避之韓昌黎嘗按  
部經行二害乃去作碑識之今名其地為碑坵碑猶  
存于溪側其文漫滅不可復識矣

飛練亭碑 多唐人碑刻

圖經 教授黃震仲編

南平軍碑記

西心坎崖上隸書 西心坎崖上有隸書云本初三年三月二十六日共二十餘字多缺不可讀在溱溪塞路去軍約七十餘里本初後漢質帝年號

吹角塢古磨崖 吹角塢有古磨崖風雨剝苔蘚侵蝕惟識其一二曰建安其他不可辨在溱州堡去軍四十餘里建安漢獻帝年號也

姜維碑 在吹角塢其始有一穴開內有碑相傳以姜

維碑今已磨滅

南州石像頌 南鎮下三里崖上有石佛像近歲有碑  
出于下云南州城門前石岸石像頌司法參軍員外  
置同正許序撰像乃缺十八年十二月丙戌中大  
夫使持節南州諸軍事南州刺史上柱國晉昌唐虞  
景所造廬舍那像

白鶴寺鐘碑 鐘記字雖磨滅尚餘一二可識曰白鶴  
寺鐘碑處士彭城劉欣

劉孝標墓銘 晏殊撰

南平志 郡守趙彥邁序

大寧監碑記

丁晉公謂夔州移城記 景德三年記太祖皇帝出師  
平蜀由劍巫峽分兵以入而滯瀕激射峻惡樓船戰  
艦難進退易步騎自襄州西山裏糧兼行村麓無際  
澗壑相接不知道路之所從得蜀民詣王師獻畫由  
大寧路直取夔州平蜀之師實取道于此也

雲安軍碑記

周靈王符碑 在栖霞宮其文之末有周靈王三字

漢處士金廣延母子碑 初無文字但有人物

唐雲外尊師碑 在雲昇宮唐杜光庭文見九域志今

名栖霞宮

人物碑 所勒皆車馬人物或云古者修車馬備器械之圖也

興元府碑記

張騫墓碑

墓在城固縣西二十三里，有碑文字磨滅。

不可辨。

李固墓碑

墓在城固縣西三十里，唐韋臯撰碑。

檢玉觀碑

在西縣一里本津口，化按舊志缺。

於此上昇仙，有唐會昌中鑄石題記。

重修安遠城碑

在西縣城內中間門東。

漢司隸校尉楊君頌

集古錄隸書不著書撰人名氏。

文為韻語碑在興元。

漢公昉碑 集古錄隸書不著書撰人名氏及年月在

興元

唐公碑 在城固縣北三十里唐公廟前碑文缺落其  
略云唐公城固人也有仙人與公樂妻子犬畜倏然  
與之俱去餘皆不可識

諸葛武侯行廟碑 在縣西唐貞觀十一年置

永平間石門記 洋州志云在今興元褒縣石門有記  
云高祖受命興自漢中道由子午出散入秦



梁蕭懿墓碑 劍南詩稿云興元姚節度園以缺碑為

石筍文猶可識蓋梁蕭懿墓碑也簡文為太子時撰

書法道勁可愛

褒城驛記 唐孫樵撰在雙林驛

山南西道額 李陽冰撰

山南西道新修驛路記 集古錄唐劉禹錫撰柳公權

書李陽冰篆號三絕開成中山南節度使歸融自殺

關南至劍門鑿山石為棧道千餘里以通驛路碑不

著所立年月在興元

張將軍新廟記

集古錄唐李巨川撰唐彥謙書楊守

亮重脩張魯廟也以龍紀元年立在興元

魏石門碑

永

缺

二年太歲己丑梁秦典籤王遂書洛

陽縣武何仁鑿

刻武侯碑陰

孫樵撰

唐山南西道節度使廳壁記

開成二年劉禹錫撰

棧道銘

歐陽詹撰

興元新路記 有石刻凡七十字其側曰太康元年按其刻乃晉武平吳時蓋晉由此路耳

文宣王廟庭松記 節度使令狐楚命掌書記鄭從誨作從誨餘慶之孫潮之子也

圖經 李宗諤編

舊志 閻蒼舒序

利州碑記

唐南池新亭碑 劍南詩藁云唐長慶中南池新亭碑在漢高帝廟側亭已失所在

唐李義山碑 在籌筆驛舊有碑近經兵火不存

棧道銘 歐陽詹文

蘇頲利州北佛龕前重題 在佛龕

山谷紀行碑 在嘉川縣靈溪寺元豐三年題

圖經 楊炎正編 寧武志 鄒卿序

閬州碑記

唐貞觀碑 王蜀咸康碑 並在太霄宮其石光瑩前

後可鑑人號透明壁

顏魯公磨滅記 在新政縣離堆崖下歐陽公集古錄

唐顏真卿撰并書碑以寶應元年立在閬州

元稹留題 唐元稹以諫官謫通州司馬今達州也曾遊雲臺山書行記于山之鐘樓枋上

新政縣大厯碑 在新政縣江崖之次顏魯公書碑旁有佛老孔子像像旁又有二小記皆大厯中新建

王微留題 唐僖宗朝丞相王微未第時曾經閬中次南部合符寺登高望遠因賦詩

李後主書 南唐李主煜尤善書元祐二年太守李孝直乃煜之姪孫也家藏得親書李白古風摹勒于石江之普通院

崔善德政碑 王蜀武成中崔善為刺史有惠政里人為德政碑今在衙門之東

鮮于氏神道碑 一在二教院崖上一在墓其文與書皆出顏魯公又有獎諭碑亦在墓田非魯公之文亦魯公之筆也

裴晉公銘 南部裴迪唐丞相晉公之後國初為新政  
令因家南部至今尚收得晉公之像累任誥身自撰  
箴贊及墓銘今並存焉

唐道襲墓碑 在報恩寺

汝南令神道闕 在閬中縣郡守張晦辨云于東西得  
隸字中有二缺不可識有七

寇萊公詩 公嘗過本州新井慈老院留海棠詩云喧  
風花雜滿闌香盡日幽吟歎異常翻笑牡丹虛得地

日階開落對君王今龕于縣廳柱上

司馬公留題 本路運使司馬池丞相光父也天聖九

年遊台星岩君實侍題于崖上末云司馬光捧硯

閭苑記 朱涉文 前記 何求文

續記 曹無忌文 新記 王震序

隆慶府碑記

李業闕 在梓潼縣西五里舊志云前漢侍御史李

業葬此遭赤眉毀破二闕臨官路其碑亦漢隸



後漢趙相雍府君墓石闕 在梓潼縣北二里前有石  
闕上有石麟其文曰趙國相雍府君墓石闕

漢沛國范伯友墓石闕 在梓潼縣東六里有石闕上  
有文曰漢沛國范伯友墓石闕

晉張載劍閣銘 王隱晉書云張載隨父入蜀作劍閣  
銘益州刺史張敏見其文乃表天子刻石于劍閣焉  
魏太尉鄧公神廟碑 唐長慶四年劍州刺史邢冊題  
鄧艾衛聖侯碑 在普安縣北十五里唐中和五年八

月劍州刺史郭淮立石

唐李商隱重陽亭銘 在郡東山之陽唐大中八年太守蔣公侑初亭李商隱序而銘之石刻今存

悟本寺碑 寺有唐盧照鄰所撰碑歲月既久其文缺焉

清義何氏古碑 在劍門縣有登高臺存一古碑唐光宅中建其間有名慕者于此生四子孝弟義遜家有八十餘口八世而未嘗異居分宅儀鳳二年勅賜清

義門

陰平縣記 唐大中六年郭茵撰

開元寺重修中和極樂院銘 大順三年劉崇望記

唐韋表微劍閣銘

劉國均石刻 在普安報國寺靈泉昔唐僖宗巡幸至此有微恙頓覺清愈因名為報國靈泉今尚有石刻存焉

宣詔亭內碑 以天成四年四月一日記在本州

郭璞縣內識石刻 在武連縣據郭璞云縣路翠武功  
貴縣路清武功榮其後青城何居琰宰是邑遂刻石  
于縣治之門內以詔邦人

景福院石碑 在梓潼縣二十五里許葛山之景福院  
州碑 在劍門縣二十里許有一古州基自縣至彼攀  
木緣壁至此稍平有一古碑字多磨滅開皇三年李  
德林文士人謂之州碑蓋隋時以此為始州也

巴州碑記

唐守巴州裴禕修廨宇記 會昌四年甲子歲立今在  
郡廳

唐古佛龕石刻 在城南三里有大書石刻載唐乾元  
三年山南西道嚴武奏臣頃牧巴州其州南二里有  
古佛龕舊石鐫五百餘伏望特賜洪名勅以光福為  
額

北山老君影跡詩 王望山舊名北山山半石壁隱出  
老君像唐人為賦北山老君影跡詩

唐張禕題擊甌樓 唐中和四年張禕記賦在樓下

唐巴州紫極宮記 大中元年軍事判官進士蕭珣記  
在迎真宮

唐嚴將軍廟記 廟在城西門內碑在本廟唐貞元元  
年韋會為廟記

南龕題詩石刻 在州南二里之廣福寺自唐迄今名  
公題咏皆刻之于石

唐兜率寺碑 在東龕寺廢而碑存碑字不可辨

集州西角山記

唐集州刺史楊師謀書本在難江縣

集州紫極宮記

唐開元二年兵部尚書牛仙客作在

難江縣

唐李繼顏誥詞

刻於郡廳唐光化三年中書舍人錢

珣作

放生潭三字

州東五里有一潭潭一石上刻放生潭

三字每水落石出方見意亦唐刻也

薛使君布政碑

唐乾符中壁州刺史裴真辭作石刻

乾符間立

唐人題石龕櫻桃詩 在西龕其名磨滅

成王李雍讀書臺石碣 今在梓潼縣七曲山顯德祠

中

壁州神廟石刻 在通江縣北四十步有光化三年制

書刻于石

龍興寺碑 在通江縣南一里龍興寺唐壁州刺史鄭凝續之父鄭畋作乾符中鄭凝續侍父于壁州時作



也

壁州山寺記 大唐中和歲次癸卯丞相鄭畋撰

菖蒲澗記 唐開成四年或云集州刺史蘇味道遺

跡也

石鼓峽記 趙寅為集州刺史有石鼓峽記在難江縣

唐貞元石刻 思陽縣南渡江登石梯數百級上義陽

舊縣治石梯之側懸崖上有刻字云唐貞元四年十

月二十日甫修此路餘皆磨滅不可辨

南隆州牟縣界碑 在思陽縣西北百里有斷碑刻云  
南隆州牟縣界十里北集州難江縣界五里縣令李  
昱立

唐韋蘇州詩 唐韋蘇州送令狐岫宰思陽縣詩刻  
石于縣之驛亭

唐難江公山威惠廟記 唐天寶改元田彥識撰廟在  
難江縣乃漢張魯之神也

唐嚴武乞賜山南寺表 乾元三年

南山記 唐中和四年尚書丞相戶部張禕題

巴南新置屋宇什物石記 會昌四年巴州刺史裴禕記

孫氏園石刻 在通江縣二十里龍灘之側唐末監察御史盧重阜率州刺史辛巢父等六人分韻賦詩有石刻存焉

瘞麟銘 淳化中牛生竒章于古集州山民魏臯家鹿首魚尾魚鬣而龍鱗四趾始生身有五色民以為妖

而斃之乃瘞于縣北十五里楊義仲為之銘云

修路記 鄭子信撰

城牙樓記 圖經云李揖為記有舊碑二其一偽蜀廣政己未之記其一天聖乙丑之記

七佛龕 圖經云乃唐張祚扈從僖宗入蜀時經此所鐫龕名公鉅卿題咏甚多皆刻之于石云

沙湍渡碑 在難江縣唐集州刺史蘇味道題字

嚴侍御暮春五言 在西龕寺

史俊寄嚴侍御楠木詩 在西龕

欽昂陪嚴使君暮春五言二首 在南龕詩甚典麗

蕭珣建天王堂記 在天王堂

羊士諤十四詠 在東龕

折柳詩十絕 嘉祐五年太守鄭淵賦柳詩十絕刻石  
其自序見折柳亭下

流盃十四詠 流觴亭在西龕寺上唐乾元戊戌嚴鄭  
公武所創大厯間盜起地遂廢開成丙辰刺史唐元

封復脩葢取羊士諤折流盃十四詠以自序為證云  
巴南十七景 蘇欽以閬中望江南十首記部景別駕  
史彭永仍賦巴南十七景

清化前志 教授劉甲編

續志 教授李鈞編

蓬州碑記

隋蒙州普光寺碑 歐陽公集古錄云蒙州普光寺碑  
蒙州者漢南郡之育陽縣也碑以仁壽元年建無書  
撰人名氏而筆畫道美翫之忘倦葢開皇仁壽以來

碑碣字畫多妙而往往不著名氏惟丁道護所書嘗著之然碑石在者尤少余每與蔡君謨惜之自大業以後率更與虞世南書妙盛既接唐遂大顯

周萬歲通天碑 報恩光孝觀在石泉縣有周萬歲通天碑前內供奉書手王惠元書其石擊之清亮金類玉音碑陰有段文昌留題

西天佛足碑 在天聖解院

唐僖宗碑 圖經云今碑子渡有唐僖宗一碑云乾符

四年漢陰縣助修道施主云云

安康志 郡守缺子欽序

洋州碑記

梁永平間石門記 在今縣元褒石門有記云高祖受命興自漢中道由子午出穀入秦云

唐許敬宗撰桂州都督李襲志墓碑 永徽五年碑而墓在真符縣

衡州刺史李公孝儒之碑 永徽三年碑而墓在奉符縣



周洋州司馬李正亮墓碑 唐聖厯中碑

華陽寨磨崖刻 駱谷路華陽寨下有小溪俟冬水落  
則見大字刻之道旁云建中年造此得意閣迴河鎮  
同節度副使張大使記

山道南西道節度使南陽張公清德美化之碑 梁國  
喬琳撰上柱國陰東曦書張公名獻恭 缺

與鄴侯李公泌實擢薦之蓋肅宗時人也

唐德宗復洋州租稅詔 德宗之回鑾也降詔以復洋

州之賦曰朕巡山南自春涉夏師旋殷會持費既廣  
州閭杼軸歲計其空東作妨時西成罕望雖黽勉從  
事人不告勞而憫悼積中實知愧怍昔減其租稅優  
以復除庶乎有瘳迄用小息稍洎言旋撫躬復畏途  
絕礪索危棧綿亘時經霖雨道阻且修工徒造舟縣  
人嘗路靡問耄耄莫或寧居而又齎負糗糧供備頓  
舍涉乎千里飫我六師居人露處以無依宿麥過時  
而不獲觀茲妨奪彌增感傷前所復除未足酌卹式

數惠澤以紓大勞洋州除先減放秋稅外給復一年  
嗟乎古先哲王東征西怨顧予不德重以勞人補費  
錄勤是有寬卹申命長吏明加優諭稱朕意焉此陸  
贄之詞也

德宗升洋州為望州詔貞元元年德宗幸興元道出  
洋州後升洋州為望州詔曰自昔多虞順時而動古  
公避狄兆永祚于岐下高祖涉蜀達雄圖于漢中王  
跡所興子孫是奉睹遷居之遐阻知政業之艱難矧

天下為家不常厥邑王者所至四方會同崇號設都  
于是乎在朕遭罹寇難播越梁岷烝庶煩于供億武  
徒勤于扞衛凡百執事各欽厥司人皆競勸物以豐  
給嘉乃成績予眷不忘今大憝已除京邑甫定將旋  
法駕展敬園陵眷于是邦復職興運宜其崇大以示  
將來洋州宜升為望州此陸贄之詞也

重興營田務並懷昌堰記 蜀廣政二年節度使呂彥  
珂立判官王曉撰銜內帶源璧等州處置使則是時

洋州改為望州明矣

碑子渡碑 乾祐真符兩界之間碑子渡有唐僖宗時  
一碑二首當中云乾符四年四月八日餘題漢陽長  
安兩縣施主名氏耳

明妙菴記 文同與可文也丹淵集中載此篇今見洋  
州志

洋州記 鄭鄮序

金州碑記

干祿字碑 唐顏魯公干祿字碑在郡治之蓬萊堂

顏魯公書碑刻 顏魯公為蓬州長史在蓬四年往來

新政縣鮮于氏家為書離堆記今在縣之西南崖石  
間又書鮮于仲通里門記復以小字書之磨崖碑廣  
數丈今又大書皆在岩崖石間自書崖石故書體尤  
為精妙

安祿山題 在透明岩大書先天二年安祿山造彌勒

佛一龕祈福云象之按唐史祿山傳祿山死于至德

二載年五十餘而先天二年即開元元年歲次癸丑  
下至至德之二載歲在丁酉已四十五年以年月考  
之祿山是時未及十歲不應入蜀祈福此可疑者一  
也又安祿山傳載張守珪為幽州節度日祿山以盜  
羊獲罪當死守珪杖而釋之通鑑開元二十年張守  
珪始為幽州節度而開元二十四年張守珪始執祿  
山赴京師不應開元二年已曾入蜀此可疑者二也  
以相傳之久兼恐或有姓名偶同今姑兩存之云

福緣寺唐碑 在蓬池縣西五十步叙碑云唐大中七年蓬州刺史吳延述

賈氏本支碑 在蓬池縣之輯瑞院院有古碑字畫磨滅無餘不可攷其題云賈氏本支四大字極精明蓬之諸賈或祖于此云

石佛院碑 在營山縣之西北四十里有古碑云開寶六年丙子朔蓬州即池縣石佛院記

大蓬山天寶碑 在良山縣之大蓬山秀立觀元祐中



何彥國詩云誰向山陰漫刻鐫雨淋日炙隸文全依稀記得昇平事天寶猶題十二年

咸通中石刻 在伏虞縣之延真觀天尊祠中有小石僅有咸通中葺之五字可辨攷

景福寺碑 在良山縣南十里大蓬山上有唐昭宗天復八年修寺碑

方等院碑 在蓬山縣載蓬山本漢宕渠縣地至德二年其縣并入營山有古彌勒殿按碑云大隋創建偽

蜀廣政二十一年更新

羅漢閣記 在樓溪觀音院端拱元年戊子刻石

咸安志 李暕序

大安軍碑記

九牛灘記 九牛灘有大石三其名魚梁龜堆芒鞋背  
危險參差相望于波間操舟之人力不勝舟而輒為  
石所觸故抵于敗誠令絕江為長堤度其南別為河  
道以分水勢則北流水益減而石出矣以火煨醢沃

金鎚隨擊之宜可去如其言治之明年三大石不復見而九牛遂平元祐五年轉運陳鵬記

龍洞記 自三泉西二里見有石觀闕者當其前迫而視之則洞也其深七十三步廣半之其兩旁石壁之嵌空突怒者若目鼻口鱗甲跟肘甚異其下皆平石為底水文其上若鋪筦簟石墮其間若設俎豆其兩顏皆瘦木翠蔓附石蘿生萎蕤下覆若綴纓絡翠蔓之間布水之道後先交映若綴冕旒水落石底其

勢跳瀉與石相鬪若濺玉雪其聲鏘鳴與洞相應若響琴筑寒清幽邃殆非人境

劍門關碑記

修關石刻 在天成五年四月又有五代勅牒甚多皆天成長興廣政間牒也

唐碑 在劍門山嶺有一寺曰梁山寺產茶亦為蜀中奇品東坡南行錄題木樨觀詩有云飛簷如劍戟之語其下注云出劍門東望有一寺山巔樓閣隱

隱可見有一二碑字皆磨滅止唐碑也

劍門銘 李文饒集云劍門注劍門當中有一岑峻嶺  
橫峙望若蕭屏北一峯最奇而說者未嘗及也古銘  
云羣山西來波積雲屯地陟所會斯為蜀門層岑峻  
壁森若戈戟萬壑奔東雙雙高闕翠嶺中橫黯然黛  
色樹若雄屏以衛王國

唐叔明題劍門 貞元二年張允書碑在關之棄繻亭  
之南百步

唐劍門山記 有碑在關之內棄繻亭之南百步

唐盧照隣悟本寺記 在故臨津縣悟本寺

唐劍門制置之記 廣明元年立碑在關之內棄繻亭之南百步

唐劍閣碑 李復撰

趙清獻公留題 在誌公寺

沔州碑記

柳宗元作興州水運記 昔柳宗元作興州水運記以

為轉巨石仆大木焚以炎火沃以食醯摧其堅剛化為灰燼畚鍤之下易其朽壞

武興集 普慈唐聖恩序

郇閣漢銘 文同題靈巖寺詩云南征曾讀涪溪頌西  
遡今觀郇閣銘

唐刺史行記 興州刺史常行規河中府參軍裴思南  
處士劉紡進士孟元旂大唐開成三年

階州碑記

闕

成州碑記

漢武都太守漢陽河陽李翕磨崖頌 翕字君羨開平  
道路作磨崖碑漢建寧四年造今碑在魚竅峽

漢天井山記 亦漢陽太守李翕建寧五年造今藏碑  
之家惟有一碑是四年所立者後一碑五年所立者  
則少有之又老農云往年雷震崖石仆地此碑不知  
所在是可惜也

漢耿勲碑 漢成都太守扶風茂陵耿勲為守以熹平



三年立碑又同谷志云後漢建寧四年武都太守李  
翕修道記并黃龍白鹿嘉禾甘露木連理石刻建寧  
五年天井山修道記熹平三年太守耿勲政績記並  
題名記並在封泉堡魚竅峽

隋楊將軍墓碑 在州西十里舊圖經載隋大將軍岩  
州總管茂陵楊氏墓碑天祐中州守摹取石刻文會  
得他石乃再立于將軍墓側

唐漢陽太守趙承碑 泰府法曹楊景撰開元十二年

建

唐刺史劉公重修水亭記 大順元年節度副使劉崇

魯述

唐李彥琛修經閣碑 在鳳山有唐天復七年天雄軍

指揮使知成州李彥琛修經閣碑判官

缺

文撰天復

七年即天祐四年是年二月唐禪于梁彥琛稱天復

七年猶稟唐之正朔也是可尚也

大雲寺石碑 在鳳凰山上去州七里初始莫攷殿後

崖上有刻字云漢永平十二年又經閣崖上刻云梁  
大同九年

西和州碑記

聖德寺記 集古錄云唐戴正倫撰梁肅書碑以貞元  
二十年立在鳳州

王仁裕墓碑 有貞女墓在河池縣地梁時貞女為梁  
將所得義不污辱梁將不敢犯見王仁裕墓碑

王欽若韓琦王拱辰留題 在皂莢驛

文同任師張浮休留題 在興唐寺

鳳山碑記

圖經 郡守張仕佺修

隋朗法禪師碑 見仙釋門

文州碑記

同昌郡驛碑 魏魏驛在州西四十里唐天寶四年豈

同昌縣主簿趙齊記有碑

和太尉墓碑 墓在今城西大渡堤偽蜀殿中侍御史

文谷撰太尉名文為唐興德軍節度使文州馬步軍都虞候大中五年卒葬于此

省倉樞記 唐咸通三年刺史秦述謨建在譙門外

文州古今志 郡守楊標編

文州續志 郡守杜孝嚴編

龍州碑記

弘真觀古碑 在江沖縣南一百三十四里太華山之登真觀此記最古不記撰人姓名

牛心山靈異記 在牛心之顯濟廟即李龍仙廟也廟碑不載撰人名氏

龍門志 楊熹序

續志 宋文原序

輿地碑目卷四終

右宋王象之輿地碑目乃輿地碑記之目也輿地碑記未見全書茲僅錄其目耳本書四卷因其卷帙繁重故析為八卷實未嘗有更易也但所見抄

本訛誤頗多雖隨文改正然尚有可疑之處亦姑  
仍其舊以俟博雅君子再為刪訂焉

六藝之一錄卷一百八



欽定四庫全書

六藝之一錄卷一百九

錢唐倪濤撰

石刻文字八十五

武林石刻

聖祖仁皇帝御書碑

聖因寺 在錦帶橋西孤山之南康熙四十六年

聖祖仁皇帝南巡幸浙臣民欣忭愛戴遂於斯地恭建

行宮

雍正五年以巡撫李衛奏奉  
旨改為聖因寺

駐蹕旬日

親灑宸翰書扁額對聯正中

御題曰澄觀齋聯云

雲窓靜挹峰巒秀

花徑平分松竹香進內

御題曰涵清居聯云

入座煙嵐鋪錦繡

隔簾雲樹繞樓臺進東

御題曰西湖山房聯云

蒼靄望中收四面湖光依几席

薰風行處徧六橋花柳問桑麻更東

御題曰攬勝齋聯云

花雨潤時沾翰墨

竹風清處韻琴書進西為花園有亭

御題光碧二字聯云

千峰林影簾前月

四壁湖光鏡裏天有樓曰萬歲樓

御題雲岫二字聯云

螺尖滴翠峰千疊

鸞尾凌霄竹萬竿又

御書程子詩一聯云萬物靜觀皆自得四時佳興與人同  
聖製行宮雨中望吳山詩云檻外青山縱目收繁花初露  
葉新稠更教點染烟雲色添得窓前翠欲流

淳泉 在聖因寺園內巖石下寒碧一泓澄徹如

鑑

御題曰淳泉石壁摩崖刻

聖製詩一首臨池依雅則采秀在山青每念風波息心寬  
與水平內方丈西為

御碑亭舊名雙桂亭巡撫李衛恭摹

御書扁額勒石崇奉又樹穹碑恭摹

世宗憲皇帝御書澤永湖山四字

敷文書院 在鳳凰山西嶺宋為報恩寺元廢明

弘治十三年浙江右叅政周本因廢寺舊址改

建萬松書院歲久盡圯康熙十年巡撫范承謨  
重建康熙五十五年巡撫徐元夢奉

聖祖仁皇帝御書浙水敷文四大字敬懸中堂並勒石焉

崇文書院 在跨虹橋康熙四十四年

聖祖仁皇帝御題正學闡教四字

賜為額爰鼎新之榜曰崇文中為饗堂闢其左為亭敬摹  
御書勒石崇奉

錢王祠 在湧金門外舊名表忠觀 雍正五年

勅封誠應武肅王總督李衛飭屬員重建於正殿之前  
構堂三楹恭奉

聖祖仁皇帝御書保障江山四大字勒諸貞珉以旌靈爽  
褒忠亭 在孤山路口關帝廟左為前分巡溫處  
道陳丹亦建丹赤死祖弘勲之難康熙三十三年  
詔贈通政司通政使諡曰忠毅

聖祖仁皇帝御書名垂青史四字以賜因建是亭恭摹勒  
石

錢塘江 康熙三十八年恭逢

聖祖仁皇帝巡幸浙江

御製錢塘江潮詩一首

相傳冰岸雪崖勢滾滾掀翻湧怒濤風靜不聞千里浪  
三臨越地識江臯

康熙四十六年

聖駕再巡至浙由江上幸雲棲舟中

御製詩一首



鳥道沿江聞信潮  
石頭恬靜有歸橈  
轉移至險看洄洑  
盡得人防莫失調

大觀臺 在紫陽山之巔

聖祖仁皇帝嘗駐蹕於此

御製詩一首

左控長江右控湖  
萬家烟火接康衢  
偶來絕頂憑虛望

似向雲霄展畫圖

勒石亭中

湖心亭 居全湖中心四面臨水上為層樓四望

羣山環立如屏 康熙三十八年

聖祖仁皇帝臨幸西湖

御書靜觀萬類四字

御製五言律詩

湖光開澈灩臨幸及芳時微翠堆山色輕香拂水湄浮  
雲看自動畫鷁覺平移靜坐觀羣類資生得所宜

御書天然圖畫額

御製五言絕句一首

水上起樓臺湖面平如鏡春風吟柳條遠與山光映

皆恭摹勒石亭中以垂萬古

放鶴亭 在孤山之陰宋和靖處士林逋之故廬

也有墓在馬上多古梅 康熙三十八年

聖祖仁皇帝駕幸亭中

御製五言詩一首

處士人何在山前夕照來亭空不見鶴磴古尚留梅楊  
柳縈烟嫩棠梨遇雨開今朝閒繫艇還是愛賢才

御書放鶴扁額並舞鶴賦大字一幅恭勒穹碑建亭於放

鶴亭之上

玉泉 在清漣寺色清而味甘甃石為池方廣三丈許清澍見底中畜五色魚 康熙三十八年

聖祖仁皇帝南巡幸寺

御製七言詩一首

度嶺穿雲路始平停鑣聊憩小池清游魚自有悠然意豈識乾坤造物宏

虎跑泉

在大慈定慧禪寺俗稱虎跑寺萬歷杭

州府志云虎跑泉在大慈山上泉清冽而甘寒

與龍井玉泉相伯仲 康熙二十八年春

聖祖仁皇帝南巡幸寺

御製虎跑泉詩一首并序

西湖自昔畫舫笙歌之地朕茲行志本省方止一覽

其山川風土未嘗片刻停驂尚食但飲虎跑泉水一

勺耳

松林帶餘雪空山啼百舌石溜響涓涓寒泉自清潔

三十八年春

聖駕再幸西湖復至虎跑又

御製七言詩一首

靈泉湧地寒侵骨勝跡名高著虎跑似恐被人頻汲取  
一泓清迥出山坳  
恭摹勒石立於泉上

西溪 在西湖北山之陰由寶石山背陸行繞秦

亭山沿山十八里為宋時輦路抵留下相傳高

宗定都臨安時欲居此後卜地於鳳凰山遂云  
西溪且留下因名 康熙三十八年

聖祖仁皇帝駕幸西溪

御製五言詩一首

十里清溪曲修篁入望森  
暖催梅信早水落草痕深  
俗藉魚為業園饒筍作林  
民風愛淳樸不厭一登臨

西湖十景

蘇堤春曉 宋元祐間蘇軾築堤湖上自南山抵

北山夾道植柳林希榜曰蘇公堤 康熙三十

八年恭遇

聖祖仁皇帝南巡

御書蘇堤春曉為十景之首爰建亭於望山橋之南敬懸宸翰并勒貞珉於亭內

雙峰插雲 南高北高兩峰相去十餘里中間層

巒疊嶂列峙爭雄而兩峰獨以高名山峰高出

雲表時露雙尖宋人稱兩峰插雲 康熙三十



八年

聖祖仁皇帝臨幸西湖

御題十景改兩峰為雙峰構亭於行春橋側適當兩峰正

中崇奉

奎章并恭摹勒石

柳浪聞鶯 柳浪橋宋時在清波門外聚景園中

今已無考 康熙三十八年

聖祖仁皇帝御書柳浪聞鶯扁額崇奉於湧金門之南創

建亭榭恭勒貞珉

花港觀魚 蘇堤第三橋曰望山水名花港有宋  
內侍盧允升園鑿池甃石引湖水其中畜異魚  
數十種稱花港觀魚今盧園久廢建樓於花港  
之南奉懸

聖祖仁皇帝御書花港觀魚扁額樓北建

御書碑亭

曲院風荷 九里松傍舊有麴院宋時取金沙澗

之水造麴以釀官酒其地多荷花舊稱麴院荷  
風康熙三十八年構亭於跨虹橋之北引流  
疊石為盤曲之勢

聖祖仁皇帝親灑宸翰改麴院為曲院易荷風為風荷恭  
製扁額并勒貞珉

平湖秋月 宋祝穆方輿勝覽序西湖十景首平  
湖秋月蓋湖際秋而益澄月至秋而逾潔也宋  
時有龍王堂在蘇堤三橋之南明季移建孤山

路口據全湖之勝後圯 康熙三十八年

聖祖巡幸西湖建亭其址前為石臺上懸

御書平湖秋月扁額旁構水軒恭摹

宸翰

南屏曉鐘 南屏在淨慈寺右興教寺之後山寺

鐘初動山谷皆應蓋茲山隆起內多空穴故傳

聲獨遠舊稱南屏晚鐘

聖祖仁皇帝御書十景易晚鐘為曉鐘蓋夜氣方清鐘聲

忽起致足發人深省也建亭於寺門之前奉懸  
睿藻並恭摹勒石於池北更建碑亭

三潭印月 名勝志云舊湖心寺外三塔鼎立相  
傳湖中有三潭深不可測故建浮屠以鎮之弘  
治間毀萬厯間濬取葑泥繞潭作埂為放生池  
池外湖心仍置三塔以復三潭舊名月光映潭  
分塔為三故有三潭印月之目池上構亭恭懸

御書扁額復建小亭於池北以奉

御碑

雷峰夕照 淨慈寺北有山昔郡人雷就居之因  
名雷峰吳越王妃建塔於峰頂每當夕陽西墜  
塔影橫空此景最佳故十景有雷峰夕照之目  
聖祖仁皇帝御書改夕照為西照遂於雷峰之西築亭以  
奉扁額因摹穹碑於亭後

斷橋殘雪 出錢塘門循湖而行入白沙隄第一  
橋曰斷橋界於前後湖之中凡探梅孤山蠟屐

過此輒值春雪未消不啻於玉山上行

聖祖仁皇帝御書斷橋殘雪爰於橋上構亭中懸

宸翰更勒

御碑於橋北

雲林寺 在武林山之陰北高峰下即靈隱寺

康熙三十八年

聖祖仁皇帝南巡幸寺

御製靈隱寺詩一首

靈山含秀色鷲嶺起嵯峨梵宇盤空出香雲繞地多開  
襟對層碧下馬撫烟蘿羽衛閒來徃非同問法過

親灑宸翰書雲林二字

賜名雲林寺三十八年

聖駕再幸雲林

賜御書禪門法紀額又一聯云

禪心澄水月

法鼓聚魚龍



御製雲林寺詩一首

無為幾事少問俗駐林邱衛騎森嚴滅爐烟變黷浮鳥  
啼香界古花綴梵筵幽野徑春風引輕鋪細草柔

康熙二十八年

聖祖仁皇帝駕幸靈隱製飛來峰詩一首

巖岫峻嶒洞壑竒懸藤古木半迷離冷泉亭子清溪上  
誰識源頭混混時

康熙三十八年

聖駕再幸雲林製靈苑詩一首

何處飛來一塊石，嵌空岩竇作玲瓏。  
下臨巨澗淙淙冷，上蔭長松謖謖風。

康熙四十二年

聖駕又幸雲林製再過鷲峰詩一首

愛此清幽一徑深，馬隨泉響入雲林。  
蒼苔古洞何年鑿，脉脉韶光自賞心。

右詩皆撫臣恭摹勒石崇奉於雲林寺中

上天竺講寺 在天竺山乳竇山北白雲峰南

康熙三十八年

聖祖仁皇帝南巡兩幸寺中

賜御書法雨慈雲額

御製重修天竺寺碑文

朕御歷凝庥心周區域省方設教蹕駐湖山眷茲民力  
於東南詎止皇輿之名勝若乃因其舊蹟無侈前觀則  
天竺寺之所由以重修也粵惟鷲嶺著於西方法輪則

一竺峰麗於南國名利維三固緇梵所薰修亦仙靈之窟宅潮音送響遙接普陀塔影橫空長留舍利瑞光發於澗上竒木像大士之容白衣感夫夢中淨域建有經之院或旱乾間作禾麥告枯而旛蓋來迎靈雨濡作有禱輒應無福不臻斯固歷晉宋以迄今斯亦載簡編而可信意者能仁之量等於好生佛道之成闕乎民隱推是指也不其偉歟將使般若之門隨方而啟仁壽之域舉世咸登有其興矣曷可廢哉朕曩者親奉

慈闈式臨茲宇自芳湖而西顧望初地以南循輦過花迎  
旌迴雲捲巖深乳竇含真珠之寶光峰轉飛來帶琉璃  
之紺色百靈斯護七聖不迷旣祝我

皇太后壽履康寧復冀凡茲庶民室家盈慶然則釋迦之  
弘慈與國家之布德豈有殊也顧念山靈如昔寺貌未  
新我

皇太后為國發心為民祈福特申

慈命重葺香林茲役之興不妨民事凌雲再煥將無乾竺

之靈匪日成功實篤坤元之慶恒沙國土偕常樂以同  
升億萬蒼生享太平而無極是則我

皇太后之聖心依然迦釋之心而於朕經營天下利濟生  
民之心亦適有愜也夫

中天竺禪寺 在稽留峰北 康熙四十二年

聖祖仁皇帝南巡

駕幸寺中

御書靈竺慈緣四字額

淨慈禪寺 在南山慧日峰下 康熙三十八年

聖祖仁皇帝南巡幸寺

御製由淨慈寺經南屏諸山詩

紆曲南屏路欣隨步輦來

時奉  
皇太后觀覽

鳥飛驚玉仗花

落點經臺邃閣聞松籟踈籬迸竹胎雙峰高不極更在

白雲隈

賜御書淨慈寺額并西峰二字又對聯一副云

雲間樹色千花滿

竹裏泉聲百道飛  
康熙四十六年

聖駕再幸奉

旨重修四十九年工竣

御製重修淨慈寺碑文

蓋聞寶界三千咸歸淨業珍臺八萬同證慈航施布地  
之銀衣國名舍衛供彌天之珠樹園號祇洹自靈鷲西  
來至玉函南渡層軒飛閣起鹿苑於湖山芝蓋花幡記  
伽藍於崖谷皆為選佛之場實是棲真之室杭州淨慈



寺者周顯德年締構也宿尊入夢殿闢永明白足藏書  
堂開宗鏡担經錫杖卓石上之奔泉皈法金魚伏亭前  
之寒井南屏山色螺翠千盤北岸波光琉璃百頃高柯  
映戶時來獻果之猿脩竹叅霄常見銜花之鳥數經營  
於越角已歷多年論景致於浙江信稱勝地乃者僧人  
不戒難返風輪遂爾象教延灾適遭火劫禪基未續道  
跡將湮朕周覽餘杭巡行南國惜茲善果結此福因命  
集工徒重葺院宇蘭楣桂棟出炎網而煥金繩藻旻雕

題化崑岡而為玉闕巍峩琳殿偕蓮座以俱新璀璨瑤  
幢對雷峰而並立飄孤山之香雪居然花散維摩舞方  
丈之長松依舊風清羅漢龍天護法鬱東嶺之煙霞獅  
象宣音應西興之鐘鼓蛟藏江浦再聽梵音鵠下晴空  
還看瓶刹智燈回照顯色相於已傾慧日高懸鎮檀林  
而永固俾下域顧瞻淨土時懷常淨之心願羣生感化  
慈緣悉發大慈之隱用攜紫翰述壯麗之規模爰勒青  
珉標建脩之歲月 康熙四十九年十一月穀旦

清漣寺 在青芝塢即玉泉寺 康熙三十八年

三月

聖祖仁皇帝南巡幸寺

御製玉泉有五色魚賜名清漣寺詩

錦鱗游泳漾波紋隱藻穿蘋暗作羣濠濮會心原不遠  
清漣題額與傳聞

理安寺 在南山十八澗錢塘縣志云古湧泉院

舊名法雨寺 康熙五十三年

聖祖仁皇帝御書理安寺扁額奉懸山門又  
賜石磬正音四字崇奉佛殿正中

御題對聯二副

法雨晴飛遶殿香雲至

天花晝下交空瑞日懸

勢到岳邊千峰環秀色

聲歸海上萬水拱洪濤

奉懸殿柱 雍正五年十一月

世宗憲皇帝御書慈悲自在扁額奉懸藏經樓又奉  
賜曹溪人瑞四字崇奉法堂又

御製對聯二副云

成佛念輕縱然自在還為妄

度生心切須信慈悲也是貪

杖履得回游子脚

葛藤灰盡老婆心

奉懸方丈

天章炳煥勒石名山永垂千古云

雲栖寺 在五雲山之西梵村 康熙二十八年

聖祖仁皇帝南巡幸寺

御製五言律詩一首

山徑紆徐合溪聲到處聞竹深陰夏日木古勢干雲倚  
檻聽啼鳥攀崖採異芬韶華春已半萬物各欣欣

康熙三十八年

聖駕再幸

御書雲栖二字及松雲間扁額又

御製雲栖寺詩一首

江路轉隈隩山行愜心賞古樹與茂竹翳蔽極深廣潺  
潺細泉流萋萋芳草長其際春之暮天氣堪俯仰鳥  
性鳴晴曦蜂蝶爭下上巡省歷窮谷所至察萬象小憩  
澗壑幽澤貴被草莽

巡撫張敏恭摹勒石建

御書亭 康熙四十二年

聖祖再幸寺中

御製過雲棲憩竹林下令人劄筭蘭詩

尋春二月幸雲棲滿目天光入品題密林布蔭漁樵樂  
幽栢成行蕙芷齊浴手臨泉開籜筍傍巖倚石選蓬藜  
餘杭風景西湖勝未若山中待竹迷

御製雲棲歸途遇雨詩

錢江風雨促前旌竹樹繽紛細草萌夾岸黎元瞻拜切  
頻施膏澤愜民情



世宗憲皇帝御書

四照亭 雍正七年總督李衛建亭於孤山之巔  
全湖按如指掌

世宗憲皇帝御題雲峰四照四字

頒賜為額


湖山神廟 在岳王祠西南前臨金沙澗後為烏  
石峰總督李衛創建祠宇奉湖山之神迤西一  
隅闢地為園盛蒔卉木中構高樓恭奉

欽賜臣李衛

御書竹素園三字額懸於正中並奉

御題花枝入戶猶含潤泉水侵階乍有聲對聯一副日華

雲爛輝映湖山矣



六藝之一錄卷一百九